

IQRA'

Bil. 3/2022

MAC

eISBN : 2735-1920



**Majlis Tazkirah Bulan Mac 2022:
Topik Transgender**
PTAR Shah Alam - muka 4



**Majlis Jasamu Dikenang, Budi Disanjung:
Encik Wan Abdul Rahim Wan Omar**
PTAR Segamat - muka 17



**Taklimat Orientasi Perpustakaan & Lawatan
Berpandu Kepada Pelajar Baharu**
PTAR Dungun - muka 30




**Bengkel Pemantapan Pengurusan Pusat
Sumber Kolej Komuniti Tapah, PTAR Tapah**
PTAR Tapah - muka 51



**LIVE@PTAR Bicara Bersama Pakar Mata:
Glaukoma: Pencuri Senyap Penglihatan**
PTAR Hospital UiTM - muka 54

PROMOSI@PTAR



Disediakan oleh: Shazmie Huzni Mohd Sidik



Pada 14 – 30 Mac 2022, Unit Perancangan & Pembangunan Perpustakaan, Perpustakaan Sultan Badlishah telah berjaya menganjurkan satu program Read@UiTM: Market Buku yang terbuka kepada semua kakitangan akademik dan pentadbiran UiTM Cawangan Kedah. Program yang berlangsung selama 13 hari ini dilaksanakan di Aras 3, Perpustakaan Sultan Badlishah. Kakitangan yang berminat untuk menyertai program ini telah hadir mengikut tarikh temujanji yang telah dipilih sepanjang tempoh program berlangsung.

Program Read@UiTM: Market Buku yang pertama kalinya diadakan ini dianjurkan berikutan pelaksanaan proses pelupusan bahan perpustakaan yang sedang dilaksanakan oleh Unit Perancangan & Pembangunan Perpustakaan, Perpustakaan Sultan Badlishah. Antara objektif utama program ini dilaksanakan adalah untuk memberi peluang kepada kakitangan UiTM Cawangan Kedah untuk membuat pemilihan bahan-bahan bacaan yang terdapat di dalam senarai pelupusan tersebut. Selain bagi memupuk minat membaca dikalangan warga UiTM Cawangan Kedah, program ini juga dapat memastikan kelangsungan bahan-bahan tersebut agar dapat terus digunakan oleh pembaca walaupun tidak lagi berada dalam koleksi perpustakaan.

Diharap bahan-bahan ini dapat memberi manfaat kepada warga kakitangan UiTM Cawangan Kedah dalam membantu proses pengajaran, pembelajaran dan penyelidikan masing-masing.

